

Date – 16/08/2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

1. Mizoram hmun hrang hranga sawhthing tam te thlithlaia hma la turin Horticulture Office chuan vawiin hian ‘Operation Ginger - Fehchhuah Runpui’ a kalpui.
2. Sawrkar-a an harsana thlen tihhlawhtlin sak an nihloh avangin N.Vanlaiphai All NGO hmalakna in nimina Independence day 2024 lawmna boycott a ni.
3. India chuan khawvel chhimlam ramte intawhkhawmna Voice of the Global South Summit vawi 3-na naktukah a thleng dawn.
4. Indian Space Research Organisation (ISRO) chuan vawiinah khawvel hel tur satellite SSLV D3 a kapchhuak dawn.

<><><>

OPERATION GINGER

Mizoram hmun hrang hranga sawhthing tam te thlithlaia hma la turin Horticulture Office chuan vawiin hian ‘Operation Ginger - Fehchhuah Runpui’ a kalpui a, tukin hian Horticulture Minister Prof Lalnilawman Sawhthing tam beihpui thlakna hi Aizawl Horticulture Office atangin a vai liam ang.

Operation Ginger hnuai hian horticulture a thawkten district tin tuamin an fehchhuak thin dawn a ni.

Horticulture Dept chhinchhiah danin, Mizorama khaw 263 ah Sawhthing a tam a, heng khaw 250 chuanga sawhthing chingtu chungkaw 6586 te Sawhthing a tam tan tawh a ni.

Sawhthing tam chungchang hriat a nih avang hian Horticulture Department chuan hma la nghalin Horticulture dept a Officer leh Field Staff ten Sawhthing tam leh natna ven dan leh enkawl dan an zir a, Training of Trainers on Operation Ginger - Management of Pest and Diseases on Ginger hi Horticulture Conference Hall ah an buatsaih a ni a, Training hi Horticulture Director Pu C.H. Lalmuanpuia chuan a kaihuai a, Dr. H. Vanlaldiki, Dy. Director in zirtirna pe in Mizoram pum atangin thawktu an kal a ni.

Horticulture Dept chuan kumin ah Zoram pumah Sawhthing ching an tam thu an sawi a, Sawhthing a tam tan avang hian Horticulture dept chuan mipui tam zawkte zirtir nan cable tv a chhuah turin Horticulture mi thiam ten a hmunah an kal chilh a ni.

Training hi Zoram puma Horticulture hnuai a thawk ten ko kim zawka inzirtirna an neih theih nan buatsaih a ni.

<><><>

I-DAY - CM

Chief Minister Pu Lalduhoma chuan sorkar chak, langtlang leh hmasawna kawnga theihtawp chhuah tura an intiamna te kha tihhlawhtlin ngei an tum tih sawi nawnin mipui tana a tha ber tur ngaihtuah chungin an sorkar chuan hna a thawk chhunzawm zel dawn a ni, a ti.

He thu hi nimina ram zalenna kum 78-na lawmna pui ber Aizawl Lammual-a Hnam Puanzar a pawhparh hnu-ah sawiin, Pu Lalduhoma chuan nikum December ni 8-a sorkar thar an din tirh khan ni za chhunga tihhlawhtlin tur hmachhawp hrang hrang (Chief Minister's 100 days programme) an puan thu a sawi a. Khangte kha tunah chuan tha takin an tihlawhtling tawh niin a sawi a. He mi hnuaiah hian thlai thlan bik te hlawk zawka hralh a nih theih na'na hma la tur Agricultural Market Assurance Fund Management Board (AMAFMB) din chu hmalakna pawimawh tak pakhat a ni, a ti. Revised Estimate 2023-2024 angin hemi atan hian cheng vaibelchhe 110 dah fel a ni, a ti.

An Sorkar hnuah Electric Bill ba tling khawm cheng vaibelchhe 448 pek tlak a ni tawh a nih thu leh a huna pek loh avanga chawi tur (Surcharge) cheng nuai 58 chawi a ngaih loh phah mai bakah a hun taka pek a nih avangin hmathamna (Rebate) cheng nuai 35.25 hmuh let a ni nghe nghe niin a sawi a. Hun rei tak chhung Healthcare Bill lo tang tawh rulh na'n an sorkar tirh khan cheng vaibelchhe 50 chuang zet pek a nih thu leh pension sum ba, rei tak tlingkhawm tawh rulh na'n cheng vaibelchhe 256 leh nuai 75 pekchhuah tawh a ni a ti. Sorkar tharah hian K-deposit a bill hrang hrang tang, cheng vaibelchhe 425 leh nuai 49 zet pekchhuah a ni bawk a. GPF lak chhuah theih loh avanga sorkar hnathawkte harsatna tawh thin hriatpui-in, June thla thleng khan cheng vaibelchhe 359 leh Nuai 89 pekchhuah tawh a ni. MLA Fund First Installment atan cheng vaibelchhe 40 pekchhuah a ni bawk.

Chief Minister chuan sorkar Flagship Programme Hand Holding Policy 'Bana Kaih' hi sector hrang hrangte tihchakna atan hman a nih dawn thu a sawi a. He hmalakna pawimawh tak hnuaiah hian kuthnathawktute thei leh thlai tharchhuah lei sakte, a sawngbawl dan tur ngaihtuah te, a hralhchhuahna kawng dap te bakah mahni kutkawih eizawna leh thiam thil zirna chawisan te, thalaite tana eizawna ngelnghet siam thlengin a huam tel a ni a ti a.

Hei hian small-scale leh agro-based industry-te hmasawna a pui hle dawn bawk niin a sawi a. Sorkar laipui leh State Sorkar programme hrang hrang, hmalakna leh ruahmanna hrang hrangte a tangkai thei tur ang bera thlunzawm a, thawhhona tangkai siam a tum a.

Ruihhlo do hna hautak tak mai chu chak zawka kalpui zel sorkarin a tum thu a sawi a. Kumin chungin cheng vaibelchhe 66.82 hu a chhut ruihhlo man a ni tawh a. Ruihhlo sumdawna hi thiat tur chuan kohhran leh tlawmngai pawl hrang hrangte nen thawhho a tul a tih thu CM chuan a sawi a. Chak zawka hma lak a nih theih na'n State Level Core Committee on Ruihhlo Do chu din thar leh a ni a. Thlathar chhuah atanga hlawkna tam zawk hmuh a nih theih na'n Mizoram Liquor (Prohibition) Act, 2019 leh a kaihhnawih Dan hman mek chu siam danglam hret tum mek a nih thu a sawi bawk.

Mizoram chu state ralmuang ber tia hriat a hlawnna chhan hi Mizoram Police hnathawhah thui tak a innghat a, ni a ti a. Police te hian Assam Rifles leh

Border Security Force te nen tangkawpin ramri depa dan phal loh thil lakluh leh dan kalh thil reng reng doin ngawrh takin hma an la reng ni a sawi-in POLNET 2.0 hman thar hian Police-te inbiakpawhna a rawn tiphuisui hle a ni a ti. Home Guard Volunteer-te hnena Ration Money pek lo tihtawp tawh chu pek chhonzawm leh niin, Home Department hnuaia thawktute'n Rifle Maintenance Allowance atana Cheng 40 an dawn thin pawh Cheng 100 ah tihpun a ni a. CBI hnena General Consent pek tawh pawh Parliament-in Criminal Law thar pathum a siam tak avangin Central Sorkarin ti tura a tih ang thlapin pek nawn leh a ni, a ti bawk.

Pradhan Mantri Bhartiya Janaushadhi Pariyojana (PMBJP) scheme damdawi tlawm dawr (Janaushadhi Kendra) te chu hawn thar leh tawh a nih thu Chief Minister chuan a sawi a. Healthcare scheme thar leh huam zau tak – Universal Health Care Scheme, mipui zawng zawng, sorkar hnathawkte leh pensioner-te pawh huam vek tur chu ngaihtuah mek a ni a, rei lo teah tlangzarh tum a ni a, a ti a. Healthcare Bill rei tak tak lo tang tawhte chinfel thuai chu ngaih pawimawh chhonzawm a nih tur thu a sawi a ni.

CM chuan An Sorkar chuan hnathawh tur leh a thawktu inbuk tawh Administrative Reforms siam a ngai pawimawh a. Sorkar hnathawh inrem dan khaidiata a hna hniam lam zawkte tihchak chu dah pawimawh a ni. Sorkar doctor ten an lak thin Non-Practising Allowance (NPA) chu enfiah mek a nih thu Pu Lalduhoma chuan a sawi a. Doctor, private practice nei te'n NPA an lak ve tawh loh na'n hmalak a nih thu sawiin, Sorkar hnathawkte tana Dearness Allowance tihpun rawtna chu tun hnaia Council of Ministers thukhawm chuan a pawm a, sorkarin sum lama insawhngheh kum a puan a ral hnuah pek tan an ni ang, a ti bawk a ni.

<><><>

I-DAY AWARDS, MEDALS

Nimina Aizawla Independence Day lawmna-ah zirtirtu mi eng emaw zat hnenah an hnathawh that avanga chawimawina hlan a ni.

State Awards to Teachers, 2023 hi Primary school huangah Pu T. Lalramnghaka, Headmaster, Govt. Selchhunga P/S Saitual, Saitual District chu hlan a ni a, Middle Section ah Pu C. Lalhrilliana, Teacher, Govt. Champhai Vengthlang M/S, Champhai, Champhai District hnenah hlan niin High School section ah Pu Zothanliana, Teacher, Govt. Chaltlang H/S Aizawl Aizawl District hnenah hlan a ni a, Higher Secondary School section ah Pu R. C. Lalruatchhunga, Lecturer, Govt. Zembawk HSS, Aizawl, Aizawl District hnenah hlan a ni bawk.

<><><>

CHAMPHAI

Khawzawl District-a Biate khua atangin Vawkpuitling tawh-9, Champhaia phurh luh tum chu Champhai Police ten dangin, an district lamah let tir leh a ni.

Champhai District AH&Vety.Officer hnen atanga thu dawn danin, nilaini zan dar 10:40 khan Lalfakawma (39) Champhai Bethel Veng chuan dan

kalhin heng vawk te hi a phur tih report dawn a ni a, he thil hriat a nih ve leh Dr. Lalbiakzuala Sailo DAH & VO chuan Champhai Addl.SP hnenah a report nghal a, Champhai Police te chuan dan lo anga District dang atanga vawk rawn phurh luh tum tute hi lo dangin Khawzawl District lamah an let tir leh ta a ni.

<><><>

N VANLAIPHAI I DAY BOYCOTT

Sawrkar-a an harsana thlen tihhlawhtlin sak an nihloh avangin N.Vanlaiphai All NGO hmalakna in nimina Independence day 2024 lawmna boycott a ni a,

Kan corr sawi danin, Independence Day vawi 78-na lawmna programme N.Vanlaiphai neih hmang tura sorkar hnathawk kalkhawm tur chu N.Vanlaiphai All NGO te chuan zing dar 6:30 atanga duty in an dang a, hemi a nih avang hian N.Vanlaiphai a Independence Day lawmna programme chu thulh a ni a. All NGO hmalakna hi a mipui thlawp a hlawh hle a ni.

All NGO Coordination chuan N.Vanlaiphai mipui in Sorkar a an thil phut a hlawhtlin loh avang leh ngaihsak an nih tawk loh avangin Independence Day boycott hi kalpui a nih thu an sawi a. N.Vanlaiphai khawtlangin Sorkar-a an harsatna thlen tihhlawhtlin a nih theih nan a an hmalakna hian awmzia a nei lo a, sorkar atanga thu lawmawm hriat tur a awm lo zel a nih chuan All NGO leh khawtlang mipui ten a tul dan in hmalak chhonzawm zel a nih tur thu sawiin, an hmalak dan tur chu All NGO Coordination Committee in a ngaihtuah zel dawn a ni an ti bawk.

N.Vanlaiphai NGO Coordination Committee chuan Govt N.Vanlaiphai High Sikul Headmaster leh N.Vanlaiphai Damdawi In a AYUSH Doctor a thlaktu awm lova sawn an ni chu an aiawh dah tura sorkar an ngen na tihhlawhtlin a nih tak loh avangin hetiang hian hma an la ta a ni.

<><><>

VOICE OF THE GLOBAL SOUTH SUMMIT

India chuan khawvel chhimlam ramte intawhkhawmna Voice of the Global South Summit vawi 3-na naktukah a thleng dawn. Tun tumah hian thupui atan 'Hmalam hun ngelnghet nei tura Global south te thumachak' tih a ni a. External Affairs Ministry sawidanin Summit hmasaa thil pawimawh an lo rel tawhte tihlen zel dan tur sawiho a ni ang a, heng zingah hian khawvel pum nghawng buaina hrang hrang inngirngona, chaw leh energy lamah harsatna leh sik leh sa inthlak te a tel ang. He Summit ah hian Global South ramten harsatna an tawhte, an ngaihpawimawh thilte leh buaina chinfel theihte an sawi ho ang a, abik takin hmasawna lam an thlur bing ang. Tun tum Summit hi Summit hmasaa lo tih angin internet kaltlanga inkawmin an hmang dawn a. A hawna session hi Head of State level niin Prime Minister Narendra Modia chuan a kaihruai ang.

<><><>

PM

Prime Minister Narendra Modia hoin nimin khan Independence Day vawi 78-na New Delhi-a Red Ford ah hman a ni a. PM Modia chuan hnam puan zar pawt parhin ram hmasawna tura an thil tum hrang hrangte a sawi a. Sawrkar chuan ram hmasawna zelna tur leh mipuite nun thlakdanglam turin

theihtawp a chhuah thu a sawi a. Sawrkar inrelbawlina kawngah inthlak danglamna chu Viksit Bharat 2047 ti hlawhtling tura pawimawh a ni a ti bawk.

<><><>

ISRO

Indian Space Research Organisation (ISRO) chuan vawiinah khawvel hel tur satellite SSLV D3 a kapchhuak dawn. Sathish Dhawan Space Centre, Sriharikota atangin satellite hi kahchhuah a ni ang. He satellite kahchhuah hi SSLV project hmawrbawkna tur a ni ang..

<><><>